

indolem optimam & virtutem, vnicè diligebāt, in Polonia mitteret, & dissidiis ac bellis, quæ ex discordia procerum oritura verebatur, obiiceret. cum certum domi & pacatum ac tràquillum regnum iam possideret.

Offendebatur etiam inuerecunda petitione eius Liouoniæ partis, quam à Nerua ad Reualiam & Habsalam vsque, amplissimam, & 40. ferè mill. Germ. patentem, tenebat. Iniquissimum enim censebat, si Filium vnicum, Polonis petentibus Regem daret, & creditum ingens, vnà cum dote & hæreditate coniugis materna & paterna, sibi debitum, regno donaret: Liouoniæ à se tantis laboribus curis & sumptibus bello captæ, ac ex Moschi ore & faucibus ereptæ iacturam facere. Itaque hac se conditione, vt proprium regnum imminueret, filium in Poloniam missurum, constanter negauit. Sigismundus etiam, externo ac electio se regno malle carere, ostendebat, quàm auito & hæreditario, partem, quantumuis exiguam, detrahi ac præcidi.

Sed oportunè, illis ipsis diebus, Ericus Sparre, procancellarius, qui summa fide, industria & dexteritate causam Regis in Polonia egerat, Dantisco ad Regem traiciens, de omnibus Polonicis actionibus, & toto rerum statu, Regem edocuit. Accedebant Zamoiscij, Poloniæ archicancellarij, ad Sigismundum literæ, quibus Craconiam, vnà cum corona & insignibus regni, iam à se teneri, & in Sigismundi potestate esse, significabat: ac vt quamprimum veniret, nec metu aut inertia regnum oblatum amitteret, hortabatur.

Tandem igitur, paternum Regis affectum, Filij honor, & multorum consilia, & publica vicinorum regnorum vtilitas superauit, vt Filium, adiuncto cõsiliorum moderatore fido, prudente & graui, Erico Sparre procancellario, & aliis Regni proceribus ac nobilitate præcipua, cum classe 24. nauium armata, traicere ad

Dantisci

Dantisci portum concederet, ita tamen, vt nauem ante non egrederetur, sed in Sueciam potius rediret, nisi hunc de Liouonia articulum, in iuramento præteriri, proceres Regni Poloniæ permisissent.

Appulit igitur ad Vistulæ ostium Sigismundus, die 19. Septembris, & totos octo dies in naui mansit, donec negotio cum Legatis Regni transacto, tandem 27. Septembris, Oliuæ iuramentum solenne, Regibus nouis proponi solitum, salua sua protestatione, de Liouonia parte, quam Sueci tenent, Coronæ Polonicæ non cedenda, præstitit. Postridie naui ad pontem Motlauæ subuectus, vesperi urbem introiuit. Vbi duodecim dies commoratus, etsi nuncios de Maximiliani in Poloniam expeditione iam suscepta quotidie accipiebat: tamen nihilominus, iter cum sorore Anna, Reginam Poloniæ materteram inuisura, suscepit. 10. Octobris.

Interea, qui Cracouiæ pro Rege ac Regno excubabant, literis ad Pontificem Romanum, ad Cæsarem Rodolphum, ad electores Imperij, ad Maximilianum ipsum datis, historiam electionis noui Regis perscribunt, ac orant, vt publicæ tranquillitati & paci Regni & totius Christianitatis suo loco consulant. Palatinus etiam Cracouiensis, Andreas comes Tensinius: Cancellarius & ductor exercituum Regni, Ioannes Zamoiscius: & capitaneus Cracouiensis Nicolaus Zebridouius, nominatim Episcopum Vratislauensem, totius Silesiæ præfectum, de veteribus inter vicinas gentes foederibus admonent, & suum pacis studium significant. Sin verò quis armata manu inde ad Poloniæ fines veniat, ostendunt se communi gentium iure vsuros, & vim vi repulsiuros. Maximilianus verò nihilominus ad Cracouiæ viciniam initio Octobris accedit, & confirmatione priuilegiorum, aliisque diplomatibus, ad conuentum ordinum Vislicentem, præterea literis ad Cracouiensem



Von dem H. von Aramont Franckosischen A.  
tor vnd Gesandten abraisen auß Constantinopel/vn-  
seiner heimkunfft.

Cap. I.



**S**agesehlich vmb  
auffgang des 1550. Jars/als d-  
vnd weiter sarn Herz von Aramont/er  
vnd Gesandter/ Heinrichs des andern  
mens/Königs in Franckreich/zu Const-  
pel/ an dem Türckischen Hof vil jar  
war/vnd etliche hohe wichtige handel fü-  
wurde er von dem Türckischen Keiser Soliman wider in  
reich abgefertigt/nam also seinen weg zu Land von Constan-  
(welche Statt vorzeiten Bisantium, heutigs tags aber von d-  
cken Stambolda genennet wird) auff Thraciam, Macedoniam, P-  
vnd ober den rauhen vnd hohen Berg Rhodopen (welch  
jetzundt Montem Argenteum den Silberberg/von wegen des  
wercks daselbst heisset) kam hernach durch Moldauiam Bos-  
Seruiam (vorzeiten aber Misia genant) in die reiche vnd mechtig-  
Ragusam in Dalmatia am Adriatischen Meer gelegen (we-  
zeiten Epidaurus geheissen ist worden/wie wir dann hernach  
darvon sagen wollen) von dannen schiffete er auff einem  
tin oder Rhenschifflein/neben Dalmatien/Schlaunien/er-  
Insulen Istriæ auff dem Adriatischen Meer/bis gen Benedig/  
u Landt durch Padua/Vincenz/Verona/Bressa/  
it/so inn der Benediger gebiete ligen/volgen

8218

16 n. 8°

E XVI, 36


Wyd D (Niemy) 1588

E1


8218

$$\frac{21621}{5717}$$
 1865717?











2  
DE

1587.

POLONICA  
ELECTIONE, IN  
COMITIIS VVARSA-

uiensibus, anni 1587. & quæ  
secuta sunt; vsq; ad co-  
ronationem

SIGISMUNDI III.

& captum


MAXIMILIANVM.

*Accessit*

*De forma Regni & REGIBVS*

POLONIAE,

*ind. breuis.*



2  
ANNO  
CL<sup>o</sup> I<sup>o</sup> XII<sup>o</sup>.





8218

Votum  
Pro SIGISMUNDO III.  
Rege Poloniae, &c.

Rex regum, DEVS omnipotens, qui regna gubernas,  
Iusta SIGISMUNDO sceptraq; ferre iubes:  
Possit ut incolumis longos regnare per annos,  
Iustitia veras & retinere vias:  
Possit ut haeseos diras exscindere pestes,  
Dogma tui verbi legitimumq; sequi:  
Possit ut aduersos sibi subdere fortiter hostes,  
Clementerq; suis ferre paratus opem:  
Possit ut à nobis onerum remouere querelas,  
Subiectisq; sibi pristina iura dare:  
Qui faciat, praeter te, nemo sufficit vnus  
Regum corda regis, ducis & acta ducum.  
Fleete SIGISMUNDI cor, regnum, sceptrum, coronam:  
Coguntur nutu cedere cuncta tuo.

IO. PE. GE.



О И И А

С И С И С И

НБС 35 2007





**I**N Polonia, rebus humanis exempto rege Stephano, præcipuos regni ordines, Vuarfauiam, archiepiscopus Gnesnensis, Stanislaus Carnicouius, regni primas, conuocauit: vt de loco, tempore, & modo electionis noui regis, & pace ac tranquillitate publica, interregni tempore conseruanda, constitueretur. Vbi inter cæteros articulos, hi quoque, tametsi postea minimè à præcipuis qui eos considerant seruati, de procerum qui aderant consilio, sanciti sunt: vt rex nouus, non nisi de vnanimi omnium ordinum consensu & concordibus suffragiis electus & comprobatus, publicè renunciatur. ac cum, qui factiones alere, vel dona & munera noui regis eligendi causa accepisse, vel alias practicas exercuisse deprehendatur, pro hoste patriæ habendum esse. Promittunt etiam, se vulnera exorbitantiæ, vt nominant, tam priuata quàm publica, etiam ciuitatum sublaturus esse, antequam ad electionem progressum fuerit. Semota ex thesauris regis Sigismundi & Stephani, & alia Reipublicæ bona per externos occupata, regni Thesaurario restitui iubent. archicancellario Zamoischio imperium summi ducis exercituum regni, abrogant: & Herbordo cuidam officium illud, in finibus regni, in Volhinia, Podolia, & reliqua Russia excubandi cum 3000 equitum commendant. Regi inter cæteros articulos in coronatione proponendum esse, vt decretum de proscriptione Christophori Sborouij aboleat, eumque in integrum restituat. Hæc ex Stanislai comitis à Gorca, & Sborouiorum fratrum ac cæterorum in eo conuentu præsentium voluntate tum absente cancellario, & aliis, constituta sunt.

Electiois vero comitia. Vuarfauiam, ad diem 30. Iu-  
nij Gregoriani, seu 20. nostri, indicta. ad quæ multi pro-  
ceres armati, & præsiidiis equitum ac peditum medio-  
cribus muniti, accefferunt. inter quos, Ioannes Zamo-  
iscius archicancellarius, prope Colum seu septum con-  
uentibus procerum in campo cis Vistulam, dimidio à  
Vuarfauia milliari, destinatum; castra metatus est. Huic  
capitales cum Sborouiorum familia, ob Samuelem  
Sborouium, capitis supplicio, iussu regis, affectum, ini-  
micitia intercedebant. quibus dirimendis: & disputa-  
tionibus de Articulis in proxima superiore conuoca-  
tione Vuarfauiensis sancitis (quorum aliquos in præiu-  
diciu sui factos Zamoiscius & ipsi coniuncti impro-  
babant) & Lithuanorum legatis, Vistula fl. à Polono Se-  
natu semotis, ad communes cum Polonis deliberatio-  
nes aggregandis: & Grauaminibus prouinciarum ac ci-  
uitatum cognoscendis: aliquot hebdomadarum tracta-  
tiones, irritò exitu consumptæ: antequam ad electio-  
nem ventum est.

LITHVANI se non ad bellum, sed ad liberam & pa-  
cificam noui regis electionem profectos ostendebant.  
Ideoque nisi arma prius deposita, & controuersia sedita,  
& grauamina illorum sublata, & iura ac libertates  
sua redintegrata essent, in Senatum Polonorum veni-  
re recusabant. questi Liuonia gubernationem Lithua-  
nis debitam; Cancellariam, & alia officia, multipliciter  
per Polonos turbati: regem Stephanum ipsis non con-  
sentientibus electum & coronatum esse: sicut & proxi-  
ma superior conuentio Vuarfauia ipsis insciis instituta  
fuisset, &c.

BORVSSI, multis nobilibus ac benemeritis bona  
sua cripi; varias exactiones & Telonea, in aquis & terra  
institui, dignitates & officia, præteritis indigenis, con-  
ferri externis: causas notabiles extra Borussiam in regni  
comi-



comitiis, non adhibito Borufforum confilio, faepe deci-  
di; iura terrarum Boruffiæ in dubium vocari; mone-  
tam non probam cudi: collegio Vuarmiensi ius electio-  
nis liberum adimi; à rege Danico, ciuitatis Dantiſcanæ  
naues, ob Reipublicæ Polonæ priuatis debita, detineri,  
& alia queſti ſunt. Rigenſes, religionem Auguſtanæ con-  
feſſionis, intruſis contra expreſſam cautionem ſibi à re-  
ge Stephano datam, Ieſuitis labefactatam, reſtitui; & ſo-  
lam in vrbe conſeruari: priuilegia Reipublicæ; ſublatis  
ambiguis clauſulis, quæ in contrariam ſententiam, ab  
ea, quam ipſi ex verbis colligant, alij detorquerent; pro-  
priis & perſpicuis verbis ſcripta confirmari: caſtellum  
ad Dunæ oſtium excitatum remoueri: aliæ prouinciæ  
& ciuitates alia flagitabant. Tandem vero hæ prouin-  
ciarum & ciuitatum querelæ omnes in ſuſpenſo reli-  
ctæ; & proclamata tertio Auguſti pace publica, poſtri-  
die exterorum regum legati auditi ſunt.

Præcipui autem competitores regni, primùm ex fa-  
milia Auſtriaca, Erneſtus, Matthias, & Maximilianus,  
Rodolphi Imperatoris fratres, fuerunt. quos Cæſaris Ro-  
dolphi, Philippi Hiſpaniæ regis, Electorum imperij om-  
nium legati, Poloniſ commendabant, & partibus ſuis  
addictos in maiore Polonia Stanislaum comitem Gor-  
canum, & totam Sborouiorum familiam, cum magna  
prouinciæ illius nobilitate, habebant.

SIGISmundo autem, Ioannis III. Succorum regis, &  
Catharinæ Iagelloniæ filio, addictiſſima Poloniæ Re-  
gina matertera fuit, quæ magno ſtudio proceres, vt eum  
Regem crearent, ſollicitabat. cui, eximia familiæ Iagel-  
lonicæ in Rempublicam Polonam merita præcipuè ſuf-  
fragabantur, & fauorem apud multos conciliabant, vt  
iure quodammodo regnum illi tribuendum eſſe videretur.  
Tertius erat Theodorus magnus Moſcouiæ Dux,  
qui vniuerſam ditionem ſuam, à ſinibus Liuoniæ ad



mare Caspium pertinentem, adiuncturum se Regno Polonia, si Rex eligeretur, promittebat. Hanc conditionem Lithuani potissimum, & alij cupidè amplectendam censebant, tametsi seridè Moscū hæc offerre vix sibi persuadere alij cordati poterant. Quarto loco habebantur, qui Piastum, seu ex corpore Regni aliquem, omnibus exteris præferendum censebant. Quorum sententiam multi non postremæ autoritatis Senatores probabant. Inprimis enim regno expedire visum est, Regem, qui linguam, mores & iura Regni perspecta & cognita haberet, & constitutum Gubernationis cursum ac modum continuare posset, designari. Disputabant, exteros appetere Regnum, non vt regni sed sua commoda & potentiam augeant, & suos ex regni prouentibus ditent. Non tutum esse, cum exteris externas quoque vires ac exercitus in regnum attrahere. Molestissimum verò & intolerabile, quod in conferendis dignitatibus, officiis & honoribus, externi indigenis præferrentur. Exemplo esse Stephanum regem defunctum, cuius potentia ita iam excreuisset, vt cum Hungaris suis vniuerso regno terrori esset. Has & similes rationes multas, magno cum applausu multi excipiebant. & intestina procerum æmulatione ac inuidiâ, qua alij alios sibi præferri ægerrimè laturos erant, sublata, indigenam Regni aliquem, ad hoc fastigium dignitatis, cuchi maximè optabant.

Turci etiam Imperatoris nomine, Vesirius Bassa, proceres Polonos hortatus fuerat, vt amicitiam, coniunctionem ac obedientiam, Portæ excellentissimæ, hætenus ab iis, tum in electione Regis, tum aliis negotiis præstari solitam, deinceps etiam tuerentur, & liberissima sua electione, vnum ex fratris Stephani filiis, vel Vuciuodam Transsylvaniæ, regem designarent.

Sed Legati PP. Romani: Cesaris Rodolphi, Stanislaus



laus Paulouius episc. Olomuensis, Carolus Dux Munsterbergensis: Regis Hispaniæ, Vuilhelmus de S. Clemente: Archiducum Austriæ ( quos Ioannes Sborouius honoris causa ad curiam deducebat ) pro Cæsaris fratribus intercedentes: & Moschici, suum principem Theodorum proponentes: Item Sigismundi Transyluanæ principis, Vuolfgangus Couafocius cancell. & Casparus Cornis: Marchionis Georgij Friderici Borussia ducis, Leuinus à Bulovv: die 4. Augusti publicè auditi sunt Postridie, IOANNIS III. Suecorum & Gothorum Regis oratores, ERICVS SPARRE Regni pro-cancellarius, & comes. Ericus Brahe; pro Sigismundo Sueciæ principe, aduersus Moschum, perorarunt. Hi ob inuersum in audiendis Legatis ordinem, initio cunctati, venire recusarant, priusquam protestationem, de Regis sui præeminentia in Senatum misissent, quam in iudicio castrensi Vuarfauia postea, autoritate publica confirmarunt. Post hos, electorum imperij Germanici, qui Austriacæ familiæ, ex qua ipsi tot seculis iam Imperatores Romanos creassent, rationem præ cæteris haberi petebant: & Friderici Curlandiæ Ducis nuncij, in generali colo, deliberationibus publicis primùm destinato, legationes suas exposuerunt.

Secesserant autem inde, octiduo ante, ob contumelias verborum, Archiepiscopo, & Palatino Masouia, à Posnaniensi & alijs, illatas: & peculiarem conuentum, vicino in loco, (quem nigrum Colo nominabant) senatores aliquot instituerant. quibus se, vicecancellarius regni Albertus Baranouius: & Palatinus Cracouien-sis Andreas Tenschinius; Masouien-sis, Sranislaus Critius; Plocensis, Gregoriua Zilensky; Kyouien-sis, Constantinus Dux Ostrogius; & Marschalcus Regni, Andreas Opalinius; Theaurarius, Ioannes Dolscius; & archicancellarius, Ioannes Zamoiscius; adiunxerant. Li-

thuani verò, totas jam sex hebdomadas; trans Vistulam, peculiaria castra & senatum, ab vtrisque sciuntium habebant.

**VI** cum archicancellario & Marschalco regni conueniebant: quæsitis ordine suffragiis, partim Piastrum, plurimi verò Sigismundum, Suetiæ Regis filium, regno vtilissimum fore iudicabant, quòd priori familiæ Regum Iagellonicæ optimè de regno meritæ, propinquissimo sanguine iunctus & indoles in eo præclarissima, & linguæ Polonicæ peritia esset. & non modò vicini regni amicitiam & foedere Poloniam muniturus, verùm etiam non paucas & graues controuersias, quæ serenissimo Suetiæ Regi, cum regno Poloniæ intercederent, sublaturus esset. & nullus potentior vicinus irritari vel offendi electione eius posse videretur.

Hanc nominationem, & iudicium, de singulis competitoribus, suum, cæteris, apud Gorcanum & Sborouios, congregatis, significant, eorumq; declarationem flagitant. Quam cum aliquot dies distulissent, tandem dari non posse, nisi in communem senatum cæteri uenirent, responderunt.

Archiepiscopus autem, quatuor candidatos, Piastrum, Moschum, Austriacum, & Suecum, in ordinario colo, proposuit: addens tamen, nolle se cum Germano ex comitiis domum redire. Sciscitanti autem Gorcano, an non Suecum etiam pro Germano haberet? respondit, hunc ex Polono sanguine ortum sibi videri.

Die 9. Augusti, Archiepiscopus Gnesnensis & cæteri Episcopi (excepto Kyouiensi) & proceres, qui Maximilianum auersabantur, relictis Gorcano, & Sborouianis, in alterum conuentum, vbi Cancellarius, archimarschalcus, & alij Senatores præcipui, Suecum designarant, transeunt, & circa meridiem, **SIGISMUNDUM** Suetiæ principem, **REGEM** renunciant. Gorcanus, Sbo-



Sborouiani, & illis adhaerentes in suo senatu contra testati, ad Maximilianum electionem procedunt: & decretum Regis Stephani, de Christophori Sborouij proscriptioe abrogant. contra quam abrogationem, qui Suecum elegerant, scripto protestantur.

Lithuani etiam plerique Maximilianum Regem prorsus recusantes, Moschum nominarant. postridie missis ex suo senatu ad Sborouianos, Palatino Trocense Ioanne Lebovvicio, & vicecancellario Leone Saphia, hortantur, vt à nouo Rege eligendo abstineant: se enim apud alteram quoque partem laborare, ne ulterius progrediantur, sed electionem in aliud tempus & locum magis opportunum differant. cumque tres Reges propositi sint, Suecus, Maximilianus & Moschus: si alioquin amicè conuenire non possint, **SORTE** potius, præmissa inuocatione Dei, iuxta exemplum scripturæ, **VNUM** ex his eligendum censent. Postridie etiam, Georgium Radeuilum cum fratre, qui Austriacum nominantibus se adiunxerant, ex senatu euocatos orant, vt nouam electionem impediant. Verùm his admonitionibus spretis, qui in Colo erant, ineunte iam nocte, diem 12. Augusti sequente, **MAXIMILIANVM** Austriacum, Regem, voce Kyouiensis Episcopi Iacobi Vuronicij, promulgant: & postridie in Franciscanorum templo suburbano, Doxologiam canunt: Andrea Sborouio aulæ Marschalco, ad aram denuo Maximilianum renunciante: Cardinale verò Radeuilo sacrum celebrante.

Vtriusque verò Regis nominationem Lithuani tum (Cardinale Radeuilo & fratre excepto) prorsus improbant, & communi cum Nobilitate Lithuanica & magna Polonicæ parte, diplomate, duos Reges non legitime & libera electione, sed vi & armis præcipuarum familiarum, oppressa suffragiorum libertate, designatos,

ideoque ad suos fratres domi de hac iniuria suæ liber-  
tati illata se referre, & nouam ac legitimam electio-  
nem instituere & constanter rueri uelle, testati sunt.

Interea, qui Maximilianum Regem crearunt: condi-  
tiones & pacta electionis, cum Rodolphi Cæsaris & Phi-  
lippi Hispaniæ Regis Oratoribus inuent, & decretum e-  
lectionis, per regni proceres: Episcopum Kyouiensem:  
Ioannē Sborouium Castellanum Gnesnensem & Grau-  
dentium: Alexandrum Ducem Pruncensem & alios,  
Maximiliano intimandum, conficiunt. Cùm autem Ar-  
ticuli conditionum & pactorum, inter ordines illos  
regni Poloniæ, & domus Austriacæ Legatos conuento-  
rum, typis excusi extent: summas breuiter adscribam.

Promittit Cæsar Rodolphus, Rex Hispaniarum Phi-  
lippus, & tota domus Austriaca, per Legatos: octingen-  
ta millia aureorum, in Regni Poloniæ fiscum à se depo-  
situm & solutum iri. 200. millia statim post electio-  
nem publicatam, ut inde miles ad finium Regni defen-  
sionem, si Turca fortè aliquid moturus esset, alatur. al-  
tera ducenta M. post coronationem. reliqua suo tem-  
pore, ut cum ordinibus conuentum fuerit. Pacta & fœ-  
dera inter Regnum Poloniæ & Turcam olim facta Rex  
seruabit & renouabit. Sin contra pacta Turcus apertè  
arma moueat: Romani PP. uniuersæ domus Austriacæ,  
omniumque illius amicorum auxilia, Polonis præsto-  
erunt. ac ut hæc electio etiam ipsi Turcæ formidabilis  
existat: Rom. PP. Cæsar, Hispanus, cum præcipuis Chri-  
stiani orbis regibus & imperio Romano, fœdus facient,  
qui cum Regni Poloniæ & Lithuanie confœderatis, à  
Polonia & Lithuania Turcos depellent: etiam Theodo-  
ro Moscouie Duce, in communem confœderationem  
per Cæsarem adducto. In limitibus Regni, Podoliâ præ-  
cipuè, arces & propugnacula sumptibus domus Austria-  
cæ intra triennium excitabuntur. Rex electus, pacem  
publi-



publicam & priuatam in Polonia fideliter tuebitur, & prouinciarum grauamina tollet. Libertates, iura, priuilegia ordinum, & confœderationem inter dissidentes de religione, conseruabit & augebit. Officia, dignitates, & feuda bonorum regalium, nullis extraneis, sed indigenis Polonis & Lithuanis conferet, & alienigenis collata recuperabit. Controuersias de Prussia & Liuonia, inter Romanum Imperium & Poloniae Regnum existentes, intra quinquennium Imperator tollere studebit. Naruicam negociationem & societatem ciuitatum Hansæ restaurabit. De Barensi & Rosanensi ducatu & cæteris Bonæ Reginae Poloniae redditibus Neapolitanis, cum Rege Hispaniæ aget, vt iustis conditionibus tandem cum Poloniæ Regno transigatur. Amicitiam inter vicina Poloniæ, Vngariæ, Boemiæ Regna, & commercia, cum Romani imperij & domus Austriacæ subditis instituta, conseruabit.

Academiam Cracouiensem clementissimè fouebit & prouehet. Quinquaginta adolescentes Nobiles Polonos studiis literarum vel militiae deditos, in aliis nationibus suo sumptu alet. Polonis & Lithuanis fortibus viris, domui Austriacæ operam suam nauantibus, aditum ad functiones & equestrium ordinum dignitates & beneficia apud Hispaniæ Regem patefaciet. Debita Sigismundi Augusti Poloniæ Regis, sine fisci detrimento soluet, & fidem regiam liberabit. Postremò, vniuersa domus Austriaca, omnibus in rebus, dignitatem, amplitudinem & felicitatem Regni Poloniæ omni diligentia & studio prouehet & ornabit. His conditionibus & articulis omnibus & singulis integrè ac constanter se satisfacturum esse, Iuramento solenni, Olo-muciae, in summo templo, die Lamberti, 17. nostri Septembris, 27. Gregoriani, Maximilianus, in legatorum Polon. & amplissima præcipuorum domus Austriacæ

procerum, qui vnà subscripserunt, praesentia, confirmavit.


Ab altera parte, Sueciae regis legatis, Articulos, Poloniae Regni proceres praecipui ac plurimi, qui Sigismundum Regem designarant, proponunt: vt perpetuum foedus sit inter Poloniae & Sueciae Regna aduersus vtrique finitimos hostes. Mortuo Ioanne Sueciae Rege, filius Sigismundus, Sueciae Regnum retineat, & ad primogenitos haereditate transmittat. & si res ita ferret, de consensu ordinum Poloniae & Lithuaniae, in Sueciam se conferre possit. Liuaniae partem, Sueciae Regi hoc tempore subiectam, toti corpori Liuaniae, atq; ita coronae Regni Poloniae, Sigismundus restituat & vniat. de quo cum Legati mandata se non habere ostenderent: Regina Poloniae Anna (pignori datis omnibus bonis suis) fideiubet. Classem armatam, in Regni Poloniae & Lithuaniae vsus, suo sumptu in mari instruet. Machinas bellicas, certo numero, cum omni necessario instrumento, Polonis aduersus Nouogardiam, Plesconiam vel Smolensiam aliquid tentantibus, suppeditabit, & ad Vuendam captas relinquet. Summam 124. M. Ioachimicorum, Sigismundo Augusto olim a Ioanne Sueciae Rege mutuo datam: praeterea dotem & haereditatem maternam, & quaecumque alia sibi a Regno Poloniae & Lithuaniae, etiam ratione ducatus Barri ac Rosanensis in Regno Neapolitano deberi existimabit, Regno donabit. Arces quinque munitas, in finibus Regni, ex arbitrio ordinum, suo sumptu aedificabit & instruet. Nullos peregrinos homines, nisi paucos cubiculo illius seruietes, in Regnum adducet. & hos, de suo, stipendiis persolutis, prima occasione iterum dimittet. Cum Sueciae Regnum gubernabit, nullos Regni Sueciae consiliarios, consiliis aut negotiis Regni Poloniae adhibebit. Corporis etiam custodes, eorumque pra-



præfectos, nullos, nisi Polonos & Lithuanos natos, con-  
stituet. Nullis externis, prædia, dignitates vel officia vl-  
la, sed solis Polonis & Lithuanis natis, iuxta Regni sta-  
tuta, conferet. Stipendia militibus in Liuania & Podo-  
lia, sub Rege Stephano debita, & alios ad defensionem  
finium & Regni, donec Cracouiam veniat, impensos  
sumptus fideliter solui in coronatione curabit. Con-  
fœderationem inter dissidentes de religione, non so-  
lùm vt Henrici & Stephani tempore factum est, con-  
seruabit: verùm etiam executionem aduersus violato-  
res, iuxta formam processus præscriptam, adiunget. Iu-  
ra, libertates, priuilegia, & statuta Regni, & in specie Ar-  
ticulos in coronatione Regis Henrici sancitos, omnia-  
que alia, quæ conseruandis & augendis eorum liberta-  
tibus & iuribus seruient, & Maiestati Regiæ in corona-  
tione proponentur, confirmabit & tuebitur.

Ad Sueciæ Principem accersendum, & per mare de-  
ducendum, Castellanus Podlassiensis Martinus Lis-  
novosky missus. Qui verò Dantisci eum exciperet, &  
præstito iuramento ad coronationem deducerent, E-  
piscopi, Vladislauiensis Hieronymus Roscascius, & Pos-  
naniensis, ac Præmisliensis, Albertus Sbaranouius Re-  
gni vicecancellarius: Palatinus Calisiensis & Castella-  
ni, Rauensis, Radomius, & Socazouiensis, & ex singu-  
lis Palatinatibus aliquot nobiles, deputati sunt.

Ioannes III. Sueciæ Rex, cùm de discordi electio-  
ne Polonorum, nono post renunciatum Vuarfauix Si-  
gismūdum die cognouisset: aliquot dies, mœsto ac sol-  
licito animo, & à filij, quem vnicum & charissimum ha-  
bebat, dimissione, si non proفسus alieno, certè ancipiti  
ac dubio hærebat: Multaque dura suo tristi cum corde  
putabat, quæ dehortabantur, ne ex Regno, & con-  
spectu ac complexu suo, Filium, quem ardenti *сорогъ*,  
non tam ob sanguinis vinculum arctissimum, quàm



indolem optimam & virtutem, vnicè diligebat, in Poloniam mitteret, & diffidiis ac bellis, quæ ex discordia procerum oritura verebatur, obiiceret. cum certum domi & pacatum ac tràquillum regnum iam possideret.

Offendebatur etiam inuerecunda petitione eius Liouoniæ partis, quam à Nerua ad Reualiam & Habsalam vsque, amplissimam, & 40. ferè mill. Germ. patenter, tenebat. Iniquissimum enim censebat, si Filium vnicum, Polonis petentibus Regem daret, & creditum ingens, vnà cum dote & hæreditate coniugis materna & paterna, sibi debitum, regno donaret: Liouoniæ à se tantis laboribus curis & sumptibus bello captæ, ac ex Moschi ore & faucibus ereptæ iacturam facere. Itaque hac se conditione, vt proprium regnum imminueret, filium in Poloniam missurum, constanter negauit. Sigismundus etiam, externo ac electio se regno malle carere, ostendebat, quàm auito & hæreditario, partem, quantumuis exiguam, detrahi ac præcidi.

Sed oportunè, illis ipsis diebus, Ericus Sparre, procancellarius, qui summa fide, industria & dexteritate causam Regis in Polonia egerat, Dantisco ad Regem traiciens, de omnibus Polonicis actionibus, & toto rerum statu, Regem edocuit. Accedebant Zamoiscij, Poloniæ archicancellarij, ad Sigismundum literæ, quibus Craçoniam, vnà cum corona & insignibus regni, iam à se teneri, & in Sigismundi potestate esse, significabat: ac vt quamprimum veniret, nec metu aut inertia regnum oblatum amitteret, hortabatur.

Tandem igitur, paternum Regis affectum, Filij honor, & multorum consilia, & publica vicinorum regnorum utilitas superauit, vt Filium, adiuncto cõsiliorum moderatore fido, prudente & graui, Erico Sparre procancellario, & aliis Regni proceribus ac nobilitate præcipua, cum classe 24. nauium armata, traicere ad

Dantisca



Dantisci portum concederet, ita tamen, vt nauem ante non egrederetur, sed in Sueciam potius rediret, nisi hunc de Lituonia articulum, in iuramento præteriri, proceres Regni Poloniæ permisissent.

Appulit igitur ad Vistulæ ostium Sigismundus, die 19. Septembris, & totos octo dies in naui mansit, donec negotio cum Legatis Regni transacto, tandem 27. Septembris, Oliuæ iuramentum solenne, Regibus nouis proponi solitum, salua sua protestatione, de Lituonia parte, quam Sueci tenent, Coronæ Poloniæ non cedenda, præstitit. Postridie naui ad pontem Motlauæ subuectus, vesperi urbem introiuit. Vbi duodecim dies commoratus, etsi nuncios de Maximiliani in Poloniam expeditione iam suscepta quotidie accipiebat: tamen nihilominus, iter cum sorore Anna, Reginam Poloniæ materteram inuisura, suscepit. 10. Octobris.

Interea, qui Cracouiæ pro Rege ac Regno excubabant, literis ad Pontificem Romanum, ad Cæsarem Rodolphum, ad electores Imperij, ad Maximilianum ipsum datis, historiam electionis noui Regis perscribunt, ac orant, vt publicæ tranquillitati & paci Regni & totius Christianitatis suo loco consulant. Palatinus etiam Cracouiensis, Andreas comes Tensinius: Cancellarius & ductor exercituum Regni, Ioannes Zamoiscius: & capitaneus Cracouiensis Nicolaus Zebridouius, nominatim Episcopum Vratislauensem, totius Silesiæ præfectum, de veteribus inter vicinas gentes foederibus admonent, & suum pacis studium significant. Sin verò quis armata manu inde ad Poloniæ fines veniat, ostendunt se communi gentium iure vsuros, & vim vi repulsiuros. Maximilianus verò nihilominus ad Cracouiæ viciniam initio Octobris accedit, & confirmatione priuilegiorum, aliisque diplomatibus, ad conuentum ordinum Vislicensem, præterea literis ad Cracouiensem

Clerum, Academiam & vrbis Senatum missis, se recipi  
petit. Sed in eandem sententiam ab omnibus respon-  
detur, se Sigismū dum Regem habere, qui iam regnum  
ingressus, per Borussia aduentet.

SIGISMUNDVS Petrociniam vsque progressus,  
litteras à Maximiliano ad Cracouiam desidente, obuias  
habuit, quibus eum hortatur, vt ex Regno sibi legitime  
delato, cuius possessionem, fretus DEI ope, & iustitia  
causæ, & Christianorum Principum auxiliis, adiiisset; in  
quod Suecum leui persuasione & temerario quorun-  
dam consilio adductum venire ceneret; discedat. Sigis-  
mundus vicissim, se non temerario consilio, sed ab or-  
dinibus Regni, qui Varsauiensibus comitiis ipsum fre-  
quentissimis suffragiis Regem creauerint, vocatum ve-  
nire; ac se meliori iure niti, recitata vtriusque electionis  
historia, ostendit. ac his verbis tandem concludit: Nos  
quidem, Deo benè iuuante, Cracouiam progredi ad ca-  
pessenda insignia Regni constitutū habemus: quò nos  
fauor hominum studiaque deducunt: priusque fortu-  
nas omnes, vitamque ipsam in quoduis discrimen ex-  
ponere, quam vocationem diuinam negligere, tanta-  
que studia ac voluntates hominum, regnumque ipsum  
deserere, parati sumus. S. V. autem iterum atque iterum  
rogamus, vt quemadmodum in hunc locum sibi peri-  
culosum deducta est, ab hominibus iis, qui ad res suas  
constituendas, S. V. copiis & impensis abutuntur, ne-  
que vllam S. V. habent rationem: ita iam, consilio, pru-  
dentiaque sua vtatur, maioremque salutis & incolu-  
mitatis, quam eius dignitatis, cuius inani specie qua-  
dam hic S. V. detinent, rationem ducat: atque ex Re-  
gno, quod propter tot hominum alienas voluntates,  
Dominū sibi minimè destinasse, facile potest intellige-  
re, ipsa decedat copiasque istas suas deducat. Quare sanè  
& sibi & publicæ tranquillitati optimè S. V. cōsuluerit.

Data



Data Petricouïæ ex itinere, die 7. Nouemb. Anno 1587.

Cùm autem, illis ipsis diebus, præcursores Poloni, ad exploranda itinera præmissi, à Maximiliani ducibus, repulsi, & Andrea Opalinij equites quidam, non procul à Pritzporto oppressi essent: Sigismundus aliquot dies Petricouïæ substitit. donec Poloni, dignitatis & securitatis electi Regis rationem habentes, ex vicinis Palatinatibus armati ad se maiores copias adducerent.

MAXIMILIANVS verò, vt aditu Sigismundum prohiberet, arctiore obsidione Cracouiam præsit, eamque occupare, quorundam in vrbe secum vel seriò vel simulatè conspirantium opera, conatus est. Sed cùm Zamoiscius archicancellarius & generalis exercituum Regni dux, cum præsidio urbem fortiter defenderet; exercitus Maximiliani depulsus, multi interfecti, & tormenta bellica, & aliquot signa militaria, hosti extorta sunt. Maximilianus igitur, soluta vrbis obsidione, ad Silesiæ fines exercitum reduxit, vt maioribus in Germania comparatis copiis, denuò Regnum Poloniæ fugituum persequeretur.

Interea, apparatus in vrbe arcibus triumphalibus, & aliis ad excipiendum Regem nouum necessariis; SIGISMUNDVS, à Regni archimarschalco, Andrea Opalinio, & cæteris proceribus deductus: die 29. nostri Nouemb. Cracouïa, à meridionali vrbs parte, per Casimiriam & Stradomum ingreditur. Vbi supra pontem, Vistula fl. solennib. verbis excipiens nouum Regem, & nulli alteri se aditum in urbem Cracouiam cõcessurum testans, in arcu repræsentatus est. Ad D. Floriani, imago Stephani Regis, sceptrum Sigismundo tradentis, eumque ad virtutem & res præclare gerendas suo exemplo excitantis, expressa erat. Circa Stephanum, spolia, Maximiliano recens adempta, machinæ bellicæ, arma, & duo vexilla suspensa erant, addita inscriptione:

SIGISMUNDO III. ELECTO  
POLONIAE ET SVECIAE  
REGI;

QVOD EIVS AVSPICIIS

MAXIMILIANI ARCHIDVCIS  
AVSTRIAE  
MILES

AD OPPVGNANDVM VRBEM  
MISSVS, VICTVS,  
MAGNAQ. CVM CAEDE,  
TORMENTISQ. ADEMTIS  
REPVLVS SIT:

DVX ET MILITES, QVI  
PRO DIGNITATE REGIA, AC  
LIBERTATE PATRIAE  
EXCVBARVNT:

VT DE CHRISTIANIS, PAR-  
TIM ETIAM CIVIVS,  
MOESTI;

VT VERO NECESSITATE ET  
VI SIBI ILLATA;  
EA SVPERATA,

DEO VICTORIAE AVTORI  
GRATIAS AGENTES  
P P.

Rex in templum descendens Cardinalem Batho-  
reum salutavit. Inde progressus ad portam Floriani,  
Sigismundum Augustum; postea, Sigismundum pri-  
mum



**mum**: in aditu fori, Alexandrum; inde Ioannem Albertum; Casimirum III. & in aditu arcis **IAGELLO-NE M** primum ex hac familia Regem, propositos habuit. Receptum in arce tormentorum tonitrua exceperunt ac eodem tempore Balthasar Bathorius, Andreae, Regis Stephani fratris filius, cum Bornemissa, & bis mille Vngaris, aduenerunt.

Congregatis igitur Cracouiæ episcopis ac proceribus Regni, & delectis ex Nobilitate, **SIGISMUNDVS** Sueciæ princeps, 17. nostri Decembr. seu Dominica tertia Aduentus: quæ ipsis dies Ioannis Euangelistæ in feriis Natalitiis fuit: solenni more ac modo, **CORONA REGNI** Poloniae, ab Archiepiscopo Gnesnense, insignitus est. eique postridie, Senatus & ciues Cracouienses fidelitatis iuramentum dederunt. Numos argenteos, non prorsus vnciales, cudit: quibus ab vno latere, ipsius imago, & epigraphe, **SIGISMUND. III. D. G. REX POLONIAE, DES. SVECIAE. MAG. D. LITHVA.** in altero, Gladius vibratus, cum inscriptione, **PRO IVRE ET PRO POPULO,** expressus est.

Paucis post coronationem diebus, Rodolpho Cæsari, Sigismundus, de corona & insignibus Regni à se acceptis, per literas significat. & Maximilianum fratrem, ab eo quamprimum ex Polonia reuocari, nec consilio auxilioque suo & suorum deinceps iuuari, & de damnis contra communia foedera datis satisfieri petit. Testatur se diutius, tot suis, regni que sui incommodis deesse non posse. iamque ex hoc tempore, nullo etiam expectato responso, id suscepturum, quod & dignitas sua, & commissorum sibi populorum iniuriæ, à se requirant.

Ineunte igitur anno, Ioannes de Zamoiscia, Dux exercituum Regni, cum Polonis, Germanis & Vngaris

recens à Balthafaro Bathoreo & Bornemiffa adductis, Cracouia mouens, Maximilianum, ex maiore Polonia, in Silesiæ fines decedentem, ad oppidum Silesiæ Bitfin, in ditione ducum Brigenfium, nouem à Vratislauia milliariibus, affequitur. vbi profligatis copiis, Maximilianus ipfe, cum præcipuis Ducibus, in oppidum fecedit. quod cum statim Zamoifcius milite cinxiffet, & igne ac tormentis admotis, exitium omnibus præfens intentaret: Maximilianus archidux, & proceres illius partium Poloni, Stanislaus comes à Gorca, Palatinus Pofnaniensis: Iacobus Vuronicus epifcopus Kyouienfis: Andreas Sborouius, Marschalcus curiæ; Alexander Dux Prunfcenfis & alij complures, fe captiuos Zamoifcio dederunt. qui moderatè & clementer, sine vlla insultatione, aut verborum asperitate, deditos accepit. & deprecantem Maximilianum, ne Cracouiam in triumpho duceretur: Rex Sigifmundus ipfe, accepto de illius captiuitate & postulatis nuncio, eundem quem antea vultum grauem & tranquillum, nulla læticiæ gestientis fignificatione edita, retinens, reuerenter & honorificè haberi: nec Cracouia, tot populorum & gentium hominibus captum velut in theatro ostentari, sed rectà in Russiæ arcem Crasniftauã, in epifcopatu Chelmenfi, cum præsidio ablegari mandat. quem Dux victor, Zamoifciam vsque comitatus est.

**D E V S,** qui transfert & stabilis Regna, & dat salutem Regibus, quos elegit: inclytum Poloniæ Regnum & Regem regat & seruet, & nos.

singulos doceat & gubernet.

*De*



De Forma REGNI & RE-  
gibus Polonia.

**P**OLONIAE Regnum, ducenta milliaria  
Germ. hoc tempore, à Viadro, ad Borysthe  
nem, & à Tyra ac montibus Sarmaticis, ad  
Parnauiam Liuoniae, patens; in Poloniam  
maio rem & minorem; Russiam & Prussiam; Lithuani-  
am & Liuoniam: & hæc prouinciæ rursus pleræque, in  
Palatinatus, & Castellanas, seu territoria certa, di-  
stinctæ sunt.

**PALATINI** seu Vuciuuodæ, duces copiarum  
suarum quisque satrapie in expeditionibus bellicis: & in pa-  
ce, conuētuum & iudiciorum Nobilitatis præsidēs: &  
Iudæorum patroni ac iudices: Quindecim antiquitus  
in Polonia, & adiuncta illi Russia, fuerunt: Cracouien-  
sis, Posnaniensis, Sendomiriæ, Calissia, Siradia, Lenci-  
ciæ, Breste, Vuladislauia, Leopoliensis siue Russia,  
Podolia, Lublinensis, Belsensis, Plocensis, Masouia &  
Rauensis. & in Prussia, Culmensis, Mariæburgensis &  
Pomeraniæ; In Lithuania decem.

**CASTELLANI**, quasi Legati sunt Palatinorum,  
ductoresque ac præsidēs Nobilitatis, sub suo quisque  
Palatino, & in suo quisque territorio; vbi nullam alio-  
quin iurisdictionem, dominium, aut curationem, præ-  
ter hanc bellicam Legationem, habent. Suntque Ca-  
stellani in Polonia sexaginta quinque, quos recensere  
non arbitror esse operæ precium.

**CAPITANEI** verò, præfecti sunt arcium, oppido-  
rum, ac reddituum Regionum, & custodes pacis & tran-  
quillitatis publicæ in sua quisque præfectura: latroci-  
niorum, furtorum, aliorumque scelerum vindices, &  
rerum iudicatarum executores. Ideoque iurisdictionē &

coercitionem amplissimam habēt. Horum vices gerūt Vicecapitanei, Burggrauij vulgò dicti: & iudices Castrenses, qui sexta quaque septimana, de certis causis criminalibus & ciuilibus etiam aduersus Nobiles, qui prædia nulla habent, ius dicunt. Sunt autem præfecturæ, in vtraque Polonia, circiter Quinquaginta: in Prussia regali octodecim.

SENATVS Regni, ex Episcopis nouem, Palatinis quindecim, Castellanis 65, & officialibus Regni, Marschalcis, Cancellariis, & Thesaurario antiquitus constat. sed noua constitutione Lublinensi à Sigismundo 1569. Augusto edita, quæ tamen nondum planè maturuit, intermixtis Lithuanis, & Prussiae Episcopis, Palatinis, Castellanis, & magni ducatus officialibus, ad 140. personas numerus Senatorum ascendit. Sed Poloniae Episcopi sunt Gnesnensis & Posnaniensis in maiore Polonia: Cracouiensis in minore: Vladislauiensis in Cuiavia & Pomerania: Plocensis, in Masouia: Leopoliensis, Præmysliensis & Chelmenis in Russia: Cameniensis in Podolia.

CONSILIARII maiores vocantur, Episcopi, Palatini, & sex Castellani, Cracouiensis, Posnaniae, Sendomiriae, Calissiae, Voiniciensis, Siradiae. Reliqua turba Castellanorum minores habentur.

COMITIA Rex celebrare volens, cum maioribus Consiliariis primùm de tempore, loco, & negotiis proponendis per literas communicat. Deinde Nobilitatis conuentus particulares, in singulis satrapiis indicit; & negotia deliberanda proponit, vt Legatos certos seu nuncios Terrarum ad comitia deligat. Nec sine his nunciis legitima comitia habentur. Confidentibus autem in corona, Rege & consiliariis, Secretarij & nuncij Nobilitatis, & vnus ciuitatis Cracouiensis, ponè astant. De negotiis verò à Cancellario propositis, soli Consiliarij



liarij ordine sententias dicunt. Quibus auditis, nuncij  
secedentes, iisdem de rebus, & aliis inter se consultant.  
Reuersi eadem siue alia die, non modò de capitibus à  
Rege propositis, sed aliis etiam quibuscunque, ad li-  
bertatem, & prærogatiuas Nobilitatis, & leges publi-  
cas, pertinentibus, quod iudicant Reipublicæ vtile, po-  
stulant, vel admonent. De iis denuo in Senatu consulta-  
tur, nec rata habentur de talibus negotiis decreta, nisi  
terrarum nuncij assentiantur. In iudiciis verò, de capite  
& fama Nobilium, & cæteris omnibus causis, per ap-  
pellationem eò delatis, Rex cum Senatu solo decernit.

R E G E M in comitiis, senatores Regni, & reliqua  
Nobilitas eligunt. Fuit autem Regis potestas initio  
multò liberior. Sed à Ludoico Vngaro primùm; dein-  
de à Iagellonibus, iurium regalium nerui & artus, ni-  
miam ferè libertatem Nobilitati indulgendo, admo-  
dum incisi sunt. Nam & Episcopi, eorumque subditi, à  
iurisdictione Regis ferè immunes ac exempti sunt: &  
de viri Nobilis capite & fama, exceptis paucis casibus,  
Rex non nisi in comitiis Regni cum Senatu iudicare  
potest. nec sine Senatus consensu bellum suscipere vl-  
lum, nec foedus facere, nec tributa aut vectigalia insti-  
tuere, nec de bonis Regni quidquam alienare, nec suc-  
cessorem sibi eligere, nec vllam rem grauiorē, ad Rem-  
public. pertinentem, statuere aut facere ipsi licet. Tri-  
buta etiam regia, de singulis agrorum iugeris, quæ olim  
12. grossi erant, ad duos Ludoicus redegit. & quartam  
reliquiarum de cæteris redditibus regni, Sigismundus  
Augustus in ærarium Regni Rauense, ad sumptus bel-  
licos deponendam accidit.


Rexerunt autem Poloniam, circa vtramque Vistu-  
læ & Vuartæ ripā, cùm nōdum, Russicas & Lithuaniz  
prouincias amplissimas haberet coniunctas; sui gene-  
tis & sanguinis Polonici Principes. ac vnica, P I A S T I,

quem ciuis Crusuicensis in diœcesi Gnesnensi filium,  
 extincto Popiello, propter eximiæ virtutis & prudentiæ  
 opinionem, proceres Principem elegerunt, familia, ad  
 longam posteritatem, annis circiter quingentis, Guber-  
 natores ac Reges Poloniae dedit. Abnepos enim Piaſti  
 fuit Miecislaus, qui Christi religionem primus in Po-  
 965. lonia propagare cœpit: pater Boleslai acris, Primi P O-  
 1001. LONIAE REGIS, ab Ottone III. Imp. creati. à quo  
 continua series est Regum ac Principum, vsque ad Ca-  
 simirum Magnum, qui Russiæ prouincias aliquot, Re-  
 gno Poloniae primus vniuit. & cùm liberis ex se natis  
 1370. moriens careret, sororis filium, L V D O V I C V M Vnga-  
 gariæ Regem, præteritis agnatis Masouiae & Silesiæ Du-  
 1381. citibus, successorem sibi, de consensu Senatus designa-  
 uit. Cui defuncto, post diuturnam procerum Regni de-  
 liberationem, magnus Lithuaniae Dux, I A G E L L O, Ol-  
 gerdi filius, Gedimini, (qui Vilnam anno 1305 condi-  
 dit) nepos; huc vsque idolatra ethnicus, ducta in ma-  
 1386. trimonium filia illius Hedvvice, & sacro fonte ablutus,  
 in Regno Poloniae successit, & amplissimas Lithuaniae  
 ac Russiæ illi coniunctæ prouincias, cum Polonia pri-  
 mus copulauit. Huic seni, ex quarta coniuge, Sophia,  
 Kyouiensium Ducis filia, Vladislaus & Casimirus nati  
 1444. sunt. ex quibus, ille, Poloniæ & Vngariæ Rex, ad Varnam  
 cæsus est. CASIMIRVS III. frater, B O R V S S I A M &  
 1454. Pomeraniæ partem, sponte se dedentem, Regno Polo-  
 niæ adiecit. ac numerosissimam sobolem, sex filias, & to-  
 tidem filios, & in his quatuor Reges, reliquit. Sed inte-  
 gram REGVM POLONIAE, ex L I T H V A N I A E ma-  
 gnorum Ducum stirpe ortorum, seriem adscribo. Vi-  
 tenes cœpit 1280. Quo interfecto; successit Ge-  
 diminus, vt in Tabula sequenti  
 proposui.



# Stirpis Iagellonica Genealogia.

GEDIMINVS circa A. C. 1300. Volhiniam & Kyouiam occupauit. Vilnam condidit  
1305. & alias res maximas gessit.





Scripta Gallonica Genealogia 30

Genealogia Gallonica & Romanorum Imperatorum & Regum Galliarum

Genealogia Gallonica & Romanorum Imperatorum & Regum Galliarum

Genealogia Gallonica & Romanorum Imperatorum & Regum Galliarum

Genealogia Gallonica & Romanorum Imperatorum & Regum Galliarum

Genealogia Gallonica & Romanorum Imperatorum & Regum Galliarum

Genealogia Gallonica & Romanorum Imperatorum & Regum Galliarum

MASODIA  
A.M.N. MUZEUMI  
SZÉCH. GRZ.  
TARCOV

Genealogia Gallonica & Romanorum Imperatorum & Regum Galliarum


Genealogia Gallonica & Romanorum Imperatorum & Regum Galliarum

Genealogia Gallonica & Romanorum Imperatorum & Regum Galliarum

Genealogia Gallonica & Romanorum Imperatorum & Regum Galliarum

Genealogia Gallonica & Romanorum Imperatorum & Regum Galliarum









1111 may 5

1825

A/36

100

23

12 hart & 1 hole ver

unintelligible text at the bottom edge of the page

Esfer were es hiruon zu schweigen/ denn viel zu schreiben/  
das unbewärlich/ vnd derhalben dem Chriſtenuolck nicht  
leichtlich/ als die Euangelische warheit/ furzutragen iſt/  
ſonderlich weils new ding/ vnd vnſern Alten Heiligen  
Väter vnbeſant geſeſen iſt: were ſonſt von inen nicht  
vnter die benck geſtoſſen/ als das zu wiſſen vnnotig: weil  
nichts gewiſes furhanden. Der *Angelismus* oder Engelische Vots  
iſt nicht geſcheen/ irer der Jungſrauen Marie Klöſterlicher Pre  
n halben/ ſondern von wege der Heiligen Deſponſation: Doher  
bequemlicher hieſſe/ das Deſponſation Feſt/ weil diſer Heiligen  
ſation in Worten der Euangelisten herlich vnd warhaſtiglich  
wirt: des andern aber wirt geſchwigen bey den Euangelisten:  
in *Apocryphis Hieronymi* wirt erzelet / erſtlich wie das dreyjärlig  
eulin Maria/ von ſeinen Eltern Joachim vnd Anna in Tempel  
ſalem verlobt vnd eynbracht worden ſey/ wie ettliche andere Junck  
nehr. Darnach wirt doſelbſt erzelet/ wie dieſelbigen eyngethanen  
arwen/ wenn ſie Mannbar worden/ widder eraus genommen/ vnd  
atet worden ſeyn: Deſgleichen auch mit der Junckſrauen Ma  
then/ do ſie dem Joſeph irem Alten angebornen freunde Deſpon  
h in irer Junckſrauchaſt fur allen iren anderen Geſpielen beſten  
den/ vnd nichts deſte weniger im Heiligen Eheſtand erfunde/ alſo  
ſeph jr Mann/ vnd ſie/ Maria/ Joſephſ Fräwe/ bey den Euange  
ment wirt/ doch alles *putatiue* *Luc. 3.* Denn wir erhalten Catho  
ewige Virginitet Marie/ wider Alten vnd Newen Heluidians  
Do wirts nu alhie gedacht/ daß Maria in den Tempel *Monasticè*  
iſt/ vnd wir wollen daſſelbig den *Apocryphis* gern gleuben/ (ſon  
weil *Sancti Iacobi Proteuägeliu* ſolchs auch klärlich mit ſich bringt)  
el gröſſer iſts im anſehen/ vnd am werck ſelbſt/ daß ſie widder her  
an/ vnd dem Dauidiſchen Joſeph verheyratet worden iſt: Diſ  
nem gelobt/ weils zum anfang der Seligkeit Menſchliche Ge  
bet/ vnd derhalben auch von Euangelisten alſo vermeldet  
Chriſten Menſch ſchalt...



